

Pigisanik naatsorsuineq.

Kalaallit Nunaanni akileraartarnermi inatsimmi § 46, stk. 2 malillugu akileraartussaataitaasut nammineerlutik nalunaaruteqartussat tamarmik nalunaarutigisussaavaat ukiup aningaasarsiorfiup naanerani pigisamik annertussusiat. Taamatuttaaq ukiup aningaasarsiorfiup aallartinnerani pigisat annertussusiat nalunaarutigineqartussaavoq tamanna siusinnerusukkut pisimangip-pat.

Taamaattorli § 114-imi tunngaveqartumik aalajangerneqarsimavoq pigisat taamaallaat nammineerluni nalunaarsuinermi ilanngunneqassasut aningaasarsiat B-t tamarmiusut B-nit akileraaruteqartussaannigitsut qaangersimappatigit. Akileraartarnermili pisortasut kingusinnerusukkut piumasarisinnaavaat pigisat suulluunniit nalunaarutigineqarnissaat, tamanna pisaria-qartutut isigineqarmat.

Pigisat suulluunniit tamarmik nalunaarutigineqassapput apeqqutigiginagu pigisat Kalaallit Nunaanni, Danmarkimi imaluunniit nunami allami inissisimanersoq. Taamaattorli Kalaallit Nunaanni akileraartarnermi inatsimmi § 3, stk. 1, nr. 5 aamma 6 tunngavigalugu killilimmik akileraartussaataitaasut taamaallaat nalunaarutigisussaavaat pigisat il.il. killimmik akileraartus-saernerminnut tunngassuteqartut.

Pigisatut pingaarnerutillugit paasineqassapput:

A. Pigisat akileraartussaataitaasup akileraarutigut nalikillilersinnaasai akileraartarnermi nali-killiliinerit il.il. pillugit Kalaallit Nunaanni Nalunaarut tunngavigalugu. Pigisat taamaattut ilanngunneqassapput nalikillelereerlugit nalingannut, tak. Nalikilliliinermi Nalunaarummi § 17.

B. Pigisat aalaakkaasut (illuutit nunaatillu), umiarsuit biilillu immikkoortoq A-mut ilaanngi-tsut. Pigisat taamaattut ilanngullugit naatsorsorneqassapput niuernermi tunineqassagunik nali-gisinnaasaannik nalilerlugit. Taamaattorli pigisat aalaakkaasut Danmarkimiittut naatsorsuuti-gineqassapput pigisat ukioq aningaasarsiorfiusoq sioqqullugu kingusinnerpaamik nalilerne-qarsimamera tunngavigalugu.

C. Aningaasat, pappiarat aningaasanik nalillit, aningaaserivinniittuutit - taakkununnga ilan-ngullugit ileqqaarutit nioqqutissat akitsoriartornerat malillugu allilernerqartartut meeqqanullu ileqqaarutit - kiisalu aningaasat allanit pissarisat piginneqatiginninnermilu pissarsiassat. Avataanit pissarsiassat aningaasallu nalingannut naatsorsuunneqassapput. Taamaattorli pis-sarsiassat akilernerqarsinnaannigitsut naatsorsuutigineqassanngillat. Pappiarat aningaasanik nalillit aammalu piginneqatiginninnermi pissarsiassat nioqqutigineqarnerminni nalgisinnaa-saannut naatsorsorneqassapput. Taamaattorli tamanut atuuttumik nalingat ilisimaneqarpat taanna ator-neqassaaq.

D. Nioqqutissat, nioqqutissiassat pigisallu allat akileraartussaataitaasup inuussutissarsiorner-mini atortorisai. Ingerlatsinermi atortorisat taamaattut aningaasarsiat naatsorsorneranni naligi-tinneqartutut nalilerneqassapput.

Pigisanut nalilinnut ilanngunneqassanngillat:

A. Pequtit, illumi atortut, atisat, pinnerfaatit, atuakkanik eqqumiitsulianillu katersukkat taa-matullu illumi pigisat nalinginnaasut allat, aatsaalli akileraartussaataitaasup pigisat taaneqartut inuussutissarsiornerminut tunngassuteqartumik atortorinngippagit aammalu iluanaapallan-nissaq anguniarlugu pissarsiarisimangippagit.

B. Pigisat piumasarineqartoq naammassineqarpat pissarsiarineqartussaataasut, soorlu inuunermut sillimmasiissutit sulii tunniunneqartussanngorsimangitsut.

C. Atuisinnaatitaarnerit imaluunniit piffissanut aalajangersimasukkuutaanut pissarsiarititat pisortat tungaanninngaanniit imaluunniit inuinnartigoortumik pissarsiarineqartussat, soorlu soraarnerussutisiassat, sillimmasiinikkut aningaasat inuuneq tamaat ukiumut pisartakkat, akeqanngitsumik ineqartitaaneq.

Pigisat naatsorsorneranni ilanngaatigineqassapput:

A. Akileraartussaataasup akiitsui.